

## Script of Evening Gojri News Bulletin 14 October 2024 at 1700 Hrs

ایوننگ گو جری نیوز بلیٹن مورخہ 14 اکتوبر 2024

\*\*\*\*\*

یوہ آکا شوانی جموں ہے نصرت چودھری تے محبوب سلطانی تیں خبر سنو۔ پہلاں خاص خاص خبر۔

\*\*\*\*\*

\*1- مرکزی وزیر صحت جے پی نڈا نے کہیو ہے جے بین القوامی یکجہتی تے عالمی صحت غی دیکھ بھال واسطے بھارت اک نقطہ نظر غو مرکز ہے۔

\*2- مرکزی وزیر پرلہا د جوشی نے کہیو ہے جے بھارتی معیار رات نانہہ بین القوامی معیارات غا برابر کرنو وزیر اعظم غو بدف ہے۔

\*3- وزیر اعظم نریندر مودی نے پر دھان منتری گتی شکتی غی وجہ سنگ مُلک پھر مانہہ منصوبہ بندی اندر پیش رفت غی تعریف کی ہے۔

\*4- تے وزیر مواصلات نے کہیو ہے جے 5 جی ٹیلی خدمات سنگ معیشت مانہہ 2040 تک 450 ملین امریکی ڈالر داخل ہون غی توقع ہے۔

\*\*\*\*\*

خبراں غی تفصیل نال پہلاں نصرت چودھری ۔

### Nadda ICDRA

مرکزی وزیر صحت جگت پرکاش نڈا نے کہیو ہے جے بین القوامی یکجہتی غا جذبہ تے عالمی صحت غی دیکھ بھال واسطے بھارت نقطہ نظر غو مرکز ہے۔ اج نوی دہلی مانہہ ڈرگ ریگولیشن اتھارٹی غی 19 ویں بین القوامی کانفرنس غا افتتاح توں بعد جناب نڈا نے کہیو ہے بھارت نہ صرف اس کانفرنس مانہہ شریک رہ بلکہ اک مضبوط تے بہترین دُنیا غی تعمیر مانہہ شراکت دار وی ہے۔ انہاں نے مزید دسیو جے اس کانفرنس غو موضوع تمام طبی پیداوار مانہہ معیار نانہہ یقینی بنان غے نال نال سمارٹ ریگولیشن رکھیو گیو ہے۔ جناب نڈا نے امید ظاہر کی جے آئی ڈی آر اے نے صرف علم غا تبادلہ واسطے نہیں بلکہ بکھ بکھ مُلکاں بشکار بہترین طریقاں واسطے اک پلیٹ فارم غا طور ور کم کرے گو۔ واضع رہ جے یاہ کانفرنس 5 تہاڑاں ور مشتمل ہے۔ جس مانہہ 120 توں متا مُلک شرکت کریں گا۔ اس تقریب غو مقصد معیار غا مسنلان تیں علاوہ ریگولیشن اصلاحات ور گل بات کرنو، معیاری طبی مصنوعات تک رسائی حاصل کرن تے بکھ بکھ مُلکاں بشکاری نوی ٹیکنالوجی غی رسائی حاصل کرنو ہے۔

\*\*\*\*\*

## Joshi World Standard Day

نوی دہلی ماہیہ عالمی معیارات غا تہاڑا غی تقریب غے دوران صارفین غا امور غا وزیر پرلہاد جوشی نے کہیو کہ گذشتہ 10 بہراں ماہیہ بیورو آف انڈین سٹینڈرڈ گی طرفوں تقریباً 7 سو 32 موضوعات واسطے 150 تیں متا معیار کنٹرول آڈراں نانہہ جاری کیو گیو ہے۔ انہاں نے اس گل ور روشنی کہلی کہ بھارت غی حکومت غو قومی معیار مضبوط بنان تے عالمی سطح ور تسلیم شدہ بنان ور توجہ مرکوز کی۔ وزیر اعظم نریندر مو دی غا بھارت نانہہ بہترین معیار واسطے جان غا ویزن ور ہم آہنگ ہیں۔ جناب جوشی نے یوہ وی کہیو جے حکومت چاہے جے تمام شہریاں نانہہ محفوظ تے اعلیٰ معیار غی مصنوعات تے خدمت رسائی حاصل وین تے لوکاں نانہہ بی آئی ایس نشان آلی مصنوعات غو انتخاب کرن غی ترغیب دتی گئی۔ وزیر مملکت برائے صارفین امور بی ایل ورمانے مزید کہیو کہ معیارات جامع ترقی ماہیہ مدد کرے۔ انہاں نے حکومت، صنعتاں تے برادریاں غے درمیان تعاون ور زور کہلیو۔

\*\*\*\*\*

## E Migrant Portal

وزیر خارجہ ڈاکٹر ایس جے شنکر نے دہلی ماہیہ ای ما نیگریٹ وی 2.0 ویب پورٹل تے مو با نیل ایپ غو افتتاح کیو۔ ای ما نیگریٹ پورٹل ماہیہ 2.81 لکھ اندراج غیر ملکی آجر ہیں تے یوہ بھارتی تا رکین واسطے محفوظ تے قانونی ذرائع نانہہ فروغ دے۔ ڈاکٹر ایس جے شنکر نے اس گل ور زور دتو کہ ای ما نیگریٹ وی 2.0 غو آغاز بھارتیاں واسطے اک محفوظ شفاف تے جامع نقل و حرکت غو نظام بنان غی حکومت غی کوششاں غی عکاسی کرے۔ انہاں نے روشنی کہلی کہ پورٹل بیرون ملک ماہیہ بھارتیہ کا رکنان غا حقوق تے وقار غا تحفظ واسطے حکومت غا عزم غی علامت ہے۔ ڈاکٹر جے شنکر نے اک اچھی تربیت یافتہ عالی افرادی قوت غی بدھتی ہوئی مانگ نانہہ وی نوٹ کیو تے دسیو کہ حالیہ بہراں ماہیہ پا سپورٹ غو اجزاء تقریباً ڈگنو ہو گیو ہے۔ پورٹل نانہہ زیادہ کارکردگی واسطے ٹیکنالوجی غے نال بدھایو گیو ہے تے یوہ تا رکین وطن نانہہ سماجی تحفظ وی فراہم کرے گو۔

\*\*\*\*\*

## RBI Regulatory

ریزرو بینک آف انڈیا غا گورنر شکتی کانت داس نے ڈیجیٹل عوامی ڈھانچہ ماہیہ بھارت غی ترقی ور روشنی کہلی۔ جس نے اعلیٰ معیار غی ڈیجیٹل مالیاتی مصنوعات بنان ماہیہ مدد کی۔ نوی دہلی ماہیہ آر بی آئی @90 اعلیٰ سطحی کا نفرنس سنگ خطاب کرتاں واں انہاں نے دسیو کہ بھارت غے کول ہن دنیا غو تیجو سب تیں بڑو سٹارٹ اپ ایکو سسٹم ہے۔ جس ماہیہ 1 لکھ 40 ہزار تیں متا سٹارٹ اپس تے 100 تیں متا یونیکارن ہیں۔ انہاں نے اس گل ور زور کہلیو کہ اس بنیادی ڈھانچہ غی تعمیر تیں بھارت غا تجربہ دوجا ملکاں نانہہ عالمی ڈیجیٹل انقلاب لیان ماہیہ مدد کر سکے۔ جناب داس نے سرحد پار آدانیگی نانہہ بہتر بنان واسطے سینٹرل بینک ڈیجیٹل کر نسیز غی صلاحیت با رے گل کی۔ انہاں نے کہیو جے بھارت تھوک تے پرچون دوباں سی بی ڈی سی شروع کرن آلا چند ممالک ماہیہ شامل ہے۔ انہاں نے مزید کہیو کہ مصنو

عی ذہانت غی وجہ تیں مالیاتی شعبہ مانہہ کمزوریاں با رے آگاہ کیو۔ بینکاں ور زور دتو کہ ریسک منیج منٹ غی مناسب حکمت عملی اختیار کریں۔ جناب داس نے بدھتا وا عالمی عوامی قرض بارے وی تشویش غو اظہا ر کیو۔ جہیڑو کہ 2023 مانہہ جی ڈی پی غا 93 عشاریہ 2 فیصد توڑی پُج گیو ہے تے 2029 توڑی اس غو 100 فیصد تک پُجن غی توقع ہے۔ جس تیں عالمی معیشت واسطے چلینج پیدا ہو رہی ہیں۔

\*\*\*\*\*

## WPI Sep

ستمبر 2024 مانہہ بھارت غی افراط زر بدھ غے 1.84 ہو گئی ہے۔ جہیڑی اگست 2024 مانہہ 1.31 تھی۔ یوہ اضافو بنیا دی طور ور اشیاء خوراک غی قیمتاں مانہہ افراد زر غی وجہ تیں بوؤ ہے۔ جہیڑو پچھلا مہینہ مانہہ 3.11 فیصد تیں بدھ غے 11.53 فیصد ہو گئی۔ تے تیار شدہ مصنوعات غی افراط زر 1.22 فیصد تیں کہٹ غے 1 فیصد ہو گئی۔ ایندھن تے بجلی غی قیمتاں مانہہ 4.5 فیصد کمی ہوئی ہے۔ کھانو پکان آلی گیس غی قیمت 13 فیصد تیں متی ہو گئی ہے۔ ستمبر مانہہ کھان آلی اشیاء تیار کرن غی افراط زر بدھ غے 5.49 فیصد ہو گئی۔ جس تیں مجموعی طور ور اضافو ہوؤ۔ سرکار نے اشیاء خوراک تے تیار کرن آلا شعباں مانہہ مہنگائی نانہہ قرار دتو۔

\*\*\*\*\*

## Army Chief

بھارت تے جاپان غے درمیان دفاعی تعاون نانہہ بدھان واسطے فوجی سربراہ جنرل اپندرہ دیویدی نے جاپان غو 4 روزہ دورو شروع کیو۔ وزارت دفاع نے دسیو ہے کہ دورہ غو مقصد فوجی تعلقات نانہہ مضبوط بنان تے دوہاں ملکاں غی مسلح افواج غے درمیان تعاون غی نوی راہ تلاش کرنو ہے۔ اپنا سفر غے دوران جنرل دیویدی اچگیا مانہہ وزارت دفاع مانہہ اعلیٰ فوجی رہنماواں نال گل بات کریں گا تے مضبوط فوجی تعاون نانہہ فروغ دین ور توجہ مرکوز کریں گا۔ وے اچگیا مانہہ وزارت دفاع مانہہ واقع یا دگا ر جگہ ور خراج عقیدت پیش کریں گا تے جاپان زمینی سیلف ڈفنس فورس تیں گا رڈ آف آنر وصول کریں گا۔

\*\*\*\*\*

یہ خبر تم آکاشوانی جموں تیں سُن رہیا ہیں خبراں غا باقی حصہ نال محبوب سلطانی۔

## Modi PM Gati Shakti

وزیر اعظم نریندرمودی نے پردھان منتری گتی شکتی قومی ماسٹر پلان نانہہ تمام شعباں مانہہ اپنان غی سراہنا کی ہے۔ انہاں نے مزید کہیو ہے جے وکست بھارت غا ہدف نانہہ حاصل کرن مانہہ اس سنگ خاصی تیزی وے گی۔ واضع رہ جے جناب مودی نے انہاں گلاں غو اظہا ر پچھلے تہاڑے نوی دہلی بھارت منڈیم مانہہ قائم پی ایم گتی شکتی انو بھوتی کیندر غا اچانک معاینہ توں بعد کیو۔ انہاں نے کہیو ہے جے پورا ملک مانہہ پروجیکٹاں غا منصوباں تے کم کاج

مانہہ جہیڑی بہتری آئی ہے واہ پی ایم گتی شکتی غو نتیجو ہے۔ جناب مو دی نے اس تیں علا وہ اک ضلع اک پیداوار غا انو بھوتی کیندر غو دورو کیو۔ اس ضمن مانہہ انہاں نے پورا ملک مانہہ بکھ بکھ ضلعان غی پیداوار غا انتخاب برینڈینگ تے بابده خاطر اک ضلع اک پیداوار کیندر غی طرفوں کیا گیا اقدام غی تعریف وی کی۔ پر دہان منتری گتی شکتی قومی ماسٹر پلان غو استعمال کر غے بکھ بکھ شعبان بشمول، سٹیل، کھاد، بندرگاہ، خوراک تے عوامی تقسیم کا ری غی وزارت نے 1 سو 56 ڈھانچاں متعلق کھلاء نانہہ پورو کیو ہے۔ اس تیں علا وہ وزارت ریلوے نے اک سال غے اندر 4 سو پروجیکٹاں تے 27 ہزار کلو میٹر ریلوے لائنیں گا منصوبان نانہہ تیار کیو ہے۔ پی ایم گتی شکتی آنگن واڑی مرکزان غی جگہاں با رے پتو لان مانہہ موثر طریقہ سنگ کم کرے تے قومی ماسٹر پلان غے تحت 10 لکھ تون متا آنگن واڑی مرکزان نانہہ ہن تک نقشہ ور آئیو ہے۔

\*\*\*\*\*

## Global Symposium

مرکزی وزیر مواصلات جیوتر ادتیہ سندھیا نے اج کہیو ہے جے بھارت نے تمام ریا ستان اور مرکزی زیر انتظام علاقان مانہہ 5 جی ٹیلی کام خدمات نانہہ صرف 22 مہینان اندر 80 فیصد آبا دی نانہہ دتی ہیں۔ نوی دہلی مانہہ عالمی معیار سمپو زینم غا افتتاحی اجلاس سنگ خطاب کرتان وان جناب سندھیا نے کہیو جے 5 جی خدمات سنگ 2040 تک معیشت مانہہ 4 سو 50 امریکی ڈالر داخل ہون غی توقع ہے۔ عالمی سمپو زینم ور وزیر موصوف نے کہیو جے یوہ معیار تے آپسی سمجھوتان ور رائے پیدا کرن واسطے عالمی مکالمان مانہہ اک لو غے طور ور کم کرے گو۔ تے نال ہی نال نوی ٹیکنالوجی نانہہ عالمی طور ور مدد کرے گو۔ انہاں نے کہیو جے دُنیا تکنیک کا ری تے جدت کا ری مانہہ اک مثالی تبدیلی دیکھ رہی ہے تے اس واسطے معیار غو تصور کرنوتے ضابطہ اہم ہو جائیں۔ جناب سندھیا نے کہیو جے بھارت پہلی بار عالمی مواصلاتی ضابطہ بارے اسمبلی غی میزبانی کر رہیو ہے۔ اس موقعہ ور بین القوامی مواصلات غا سیکریٹری جنرل نے کہیو جے وزیر اعظم نریندرمو دی پلک آئی ٹی یو عالمی مواصلاتی ضابطہ اسمبلی 2024 غو افتتاح کریں گا۔ سیکریٹری جنرل غو یوہ وی کہنوتھو جے بھارت کئی ملکان واسطے رول ماڈل ہے جہیڑا جدیدی تی تبدیلی غی تلاش مانہہ ہیں۔

\*\*\*\*\*

## Congress Statehood

جموں کشمیر کا نگریس غا سربراہ طارق حمید قراہ نے کہیو ہے جے مہارا واسطے جموں کشمیر ریا ست غو درجو بحال کرنو، زمینان غا حق تے روزگار پیدا کرنا جیسا معاملان آلی سرکار مانہہ وزارت غا عہدہ تیں زیادہ اہمیت رکھیں۔ انہاں نے کہیو ہے جے ہم نے اجیں اپنی اتحادی جماعت نیشنل کانفرنس سنگ وزارتی عہدہ واسطے کوئی وی گل بات نہیں کی ہے۔ جناب قراہ نے کہیو جے کانگریس تے این سی انڈیا اتحاد غو حصوہیں تے جس غو مقصد ملک تون نفرت آلی سیاست نانہہ ختم کرنو ہے۔ حلف برداری تقریب مانہہ راہل گاندھی غی شمولیت بارے سوال غا جواب مانہہ انہاں نے کہیو جے راہل گاندھی غی دستیابی تے

شڈیول ور منحصر ہے۔ واضع رہ جے کانگریس تے نیشنل کانفرنس نے مشترکہ طور ور اسمبلی چناؤ مانہ 32 تے 51 سیٹاں ور حصو لیو تھو۔ جس مانہ این سی نے 51 بچوں 42 ور کامیابی حاصل کر غے سب توں بڑی پارٹی غے طور ور باندے آئی تھی۔ جد کہ اُس توں بعد بی جے پی نے 29 کانگریس نے 6، پی ڈی پی نے 3 تے باقی سیٹاں ور نکلی پارٹی تے آزاد امید وار کامیاب ہوا ہیں۔

\*\*\*\*\*

## SC LG

عدالت عظمیٰ نے لیفٹنٹ گورنر منو جموں کشمیر کا اختیار ور دائر عرضی نانہ خارج کر دتو ہے۔ اس عرضی نانہ لیفٹنٹ گورنر غی طرفوں جموں کشمیر قانون ساز اسمبلی مانہ منتخب کرن پارے اختیار پارے دائر کیو گیو تھو۔ اس ضمن مانہ جسٹس سنجیو کھنہ، پی وی سنجے کمار غی بنچ نے دائر عرضی نانہ خارج کرتاں واں کہیو جے عرضی داخل کرن آلاں نانہ پہلاں جموں کشمیر تے لداخ گا ہائی کورٹ مانہ عرضی دائر کرنی چاہیے۔ اس ضمن مانہ عدالت عظمیٰ نے کہیو جے ہائی کورٹ توں پہلاں اگر اہم کسے معاملہ غی سنوائی کر لیا تے ہم نے دیکھیو جے خاصی چیز رہ جائیں۔ عدالت عظمیٰ غو یوہ فیصلو درخواست کردہ رویندر شرما واسطے حاضر ہوا وکیل ابھیشیک منو سرنگوی توں بعد سنایو گیو۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔